



20 19 йил. « 7 » 05

№ 08-243

« ____ » ____ 20 ____ год.

**Ўзбекистон Республикаси Президентининг
2019 йил 3 майдаги ПҚ–4307-сон қарори ижроси тўғрисида**

Ўзбекистон Республикаси Президентининг 2019 йил 3 майдаги “Маънавий-маърифий ишлар самарадорлигини ошириш бўйича қўшимча чора-тадбирлар тўғрисида”ги ПҚ–4307-сон қарорида белгиланган вазифалар ижросини таъминлаш мақсадида

Б У Ю Р А М А Н:

1. Ўзбекистон Республикаси Президентининг 2019 йил 3 майдаги ПҚ–4307-сон қарори (кейинги ўринларда қарор деб юритилади) ҳамда Ўзбекистон Республикаси олий ва ўрта махсус таълим вазирининг 2019 йил 6 майдаги 411-сон буйруғи раҳбарлик ва ижро учун қабул қилинсин.

2. Қарор билан қуйидагилар:

Республика Маънавият ва маърифат кенгаши фаолиятининг асосий йўналишлари ва унинг таркиби ҳамда Ўзбекистон Республикасида маънавий-маърифий ишлар самарадорлигини янада ошириш, аҳолининг интеллектуал салоҳияти ва дунёқарашини юксалтиришга, мафкуравий иммунитетни мустаҳкамлашга доир чора-тадбирлар дастури тасдиқланганлиги;

Маънавий-маърифий ишларни амалга оширишдаги, юксак ижтимоий-маънавий муҳитни шакллантиришдаги самарали меҳнати ва ибратли фаолияти учун давлат органлари ва ташкилотлар ходимларига топшириладиган “Маънавият фидойиси” кўкрак нишонини таъсис этилганлиги;

Республика Маънавият ва маърифат маркази ҳузурида “Маърифат” тарғиботчилар жамияти нодавлат нотижорат ташкилоти шаклида таъсис этилганлиги инобатга олинсин.


3. Маънавият ва маърифат маркази (Ш.Пўлотов), Кадрлар бўлими (Д.Абдуллаева), Илмий тадқиқотларни мувофиқлаштириш ва илмий педогок кадрларни тайёрлаш бўлими (Ж.Абдурахмонхўжаев) ҳамда курс деканлари:

дастурда белгиланган вазифаларни ўз вақтида ва сифатли бажарилишини таъминласин;

мазкур қарор мазмун-моҳиятини ходимлар ва талабаларга етказсин ва ундан хизмат фаолиятини ташкил этиш жараёнида фойдаланиш чораларини кўрсин.

4. Ушбу буйруқ ижросини назорат қилиш проректор Д. Умаров зиммасига юклансин

Адлия вазири
ўринбосари – ректор



Е. Канъязов